

Hegoaldeko arrantzaleek Ameriketako arrain inportazioak salatu dituzte

Azken egunotan Hego Amerikako 12.000 tona bokarta txiki lehorreratu dira Santurtzin

Hegoaldeko arrantzaleek Hego Amerikatik datozen inportazioen aurka mobilizazioak egingo dituzte aurki. Azken egunotan 12.000.000 kilo bokarta txiki iritsi dira bertatik Santurtziko portura, ustez kontserba industriarako. Inportazio hauek kalte handia dakarkiete bokarta honen kosteran dabiltzan Hegoaldeko arrantzaleei.

JOSEBA AIARZA / DONOSTIA


Hego Amerikatik etorritako 12.000.000 kilo antxo txiki lehorreratu dituzte egunotan Santurtziko portuan, atzo euskal arrantzaleen iturriek salatu zuten.

Arrain hau Argentina edo Txilek ekarri du Uruguayko merkantzi itsasontzi batek eta Espainiako kontserba industriarako erabiltzen ari dela uste dute arrantzaleen kofradietako arduradunek.

Arrain inportazio hauek zeharo kaltegarriak izango dira antxoaren kosteran dabiltzan Bizkaia eta Gipuzkoako arrantzaleentzat, berauek aurtengo kosteran harrapatutako arrain txikia eta honek merkatuetan hartzen duen prezio apala dela medio.

Hori dela eta, Bizkaia eta Gipuzkoako kofradiek bilerak egin dituzte aurreko egunotan arazoa eta irtenbideak aztertzeko. Ondoko egunetan, berriz, elkarrizketa gehiago egingo dituzte aurrera eramanez ditzaketen mobilizazioez erabakitzeko.

Bokartaren prezio apalak direla eta, iragan astean ez itsaso-



Inportazioek kalteak dakarzkiete euskal arrantzari.

SUSTRAI

ratzea erabaki zuten Gupuzkoako baxurako arrantzaleek, arrainen prezio txikiegiagatik arrantza errentagarria ez zitzaielako.

Atzo, ordea, itsasora abiatu zen Hego Euskal Herriko baxurako untziteria eta aste honetan lanean izango dira, mobilizazioak egingo dituzten erabaki bitartean.

Bizkaia eta Gipuzkoako arrantzaleek inportazio masiboen aurrean egingo duten lehen protesta ekintza flotari lehorreratu eutsi eta itsasora ez irtetea izan

litekeela ziurtatu zuten atzo.

Hego Euskal Herriko arrantza kofradiak ezezik, Kantauri, Galizia eta Portugalekoak ere hilaren 25ean bilduko dira, lurralde hauetan arazo berbera gertatzen baita Marokotik ekarritako sardinarekin.

Bilera eta harreman guzti hauen helburua arrain inportazioak eragindako estatu guztietako arrantza arduradunek bat egin eta Europako Arrantza Batzordeari inportazio hauen gaineko kontrola eta araudia eskatzea da.

ARRANTZARAKO EPEA BUKATU

Frantziako flotarentzat iragan aste-buruan bukatu zen bokartaren kostera eta Iparraldeko arrantzaleak ez ziren itsasoratu atzo. Hala ere, Iparraldeko arrantzaleen kasuan itsasora ez irteteko arrazoiak egiten ari diren grebaldia izan da.

Jakina denez, Iparraldeko arrantzaleek iskanbila gogorak izan zituzten iragan astean Frantziako Polizierekin, arrain inportazioengatik protesta egiteko antolaturiko mobilizazioetan, hain zuzen.

Liskar horietan polizia bat larri zauritu zen eta horren ondorioz bi arrantza atxilotu eta espetxeratu zituen Poliziak. Bi arrantzale hauen lankideek, berriz, grebaldia hasi zuten eta ziurtatu zuten ez zirela itsasoratuko harik eta bi atxilotuak askatu arte.

Grebaldia gora-behera, Iparraldeko eta Frantziako arrantzaleek lanean jarraitzeko debekua hautsi eta itsasontzi pelagikoek lanean jarraituko ote duten susmo zabala dago Hegoaldeko arrantza munduan.

Iazko abenduan, adibidez, Espainia, Frantzia eta Ipar nahiz Hego Euskal Herriko arrantzaleentzako arrantza debekua bazegoen ere, Frantziatik Espainiara 2.200 tona sartu ziren, Frantziako arrantzaleak lanean izan ziren seinale.

Ildo horretatik, Hegoaldeko arrantzaleek urtero salatzen dute Iparraldekoek eta Frantziakoek arrantza kuotak gainditu ezezik (urteko 9.000 tona gaur egun, Espainia eta Hego Euskal Herriko 21.000 tonen aurrean), arrantza sistema suntsitzaileak ere erabiltzen dituztela, hala nola sare pelagikoak.

Europa soziala aldarrikatzeko mobilizazioa antolatu dute sindikatuek apirilaren 2rako

BRUSSELA

Sindikatuaren Europako Konfederakundeak (SEK) komunitateetan mobilizazioak iragarri ditu datorren apirilaren 2rako. Herrialde ezberdinetako sindikatuak ekimen ugari prestatzen ari dira egun horretarako, ekonomia-aren sustapena errebindikatzeko helburuarekin.

SEKeko batzorde eragileak Bruselan egin zuen atzo ekonomia-aren eta gizartearen aurrerapena errebindikatzeko mobilizazio deialdia.

Emilio Gabaglio Konfederakundeko idazkari nagusiak azpi-

marratu zuenez, elkartasuna, justizia eta tolerantzia beste balio batzuen aurretik izango dituen esparru europarra eraiki beharra dago, eta ildo honetan kokatu zuten mobilizazio egunaren helburua.

Europako Komunitatean langabetuen kopurua 18 milioikoa dela gogoratu zuen Gabaglio. Bere esanetan ekonomi eta gizarte egoera larriak beste sektore batzuetan baino eragin handiagoa izango du langileen artan, eta beraz, «ezinbestekotzat» jo zuen enplegua sortzera bideratuko den ekonomia-aren sustapena errebindikatzeko.

Belgika, Alemania eta Holandako sindikatuak ordezkariek Maastrichten bilduko dira apirilaren 2an, Holandako hiri horretan onartutako gizarte hitzarmena indarrean jartzea eskatzeko. Europako Komunitateko 11 estatuk onetsi zuten Bateratasun Hitzarmenaren gizarte-ari buruzko atala, Erresuma Batuak ezezkoe eman baitzion.

Enplegua sortzeko izan behar luke, Gabaglioaren ustez, Europako Komunitateko politika-aren lehentasuna. Horrela, ekainean Kopenhagen egingo den gailurrean langabeziaren arazoa aztertzeke eskatuko diote EK-ko

lehendakaritza duen Danimarkari.

Sindikalista italiarra ezkor agertu zen Europako Ekonomi eta Diru Batasunerako prozesuan hirugarren fasea betetzeaz. Europak ez baditu bateratasunari buruzko «irizpide dogmatikoak» alde batera uzten eta langileen baldintzen murrizketak berdintzeko neurriak ez badira bideratzen «zaila» ikusten du hirugarren fasea betetzea.

«Batasuna gainera ez da burutuko enplegua sortzeko premiazko neurriak bideratzen ez diren bitartean» adierazi zuen Gabaglio.

LABURREAN

BAR Eskuineko egoeraz ohartarazi du CCOO

Bizkaiko Ibai Eskuina eta Uribe Kosta eskualdeetako premia egoeraz ohartarazi zuen atzo CCOO. Sindikatu honen arabera, 25.671 langabe daude bertan eta hauetatik % 50 baino gehiago 30 urtetik beherakoak dira. CCOOren ustez, ekonomi politika aldatu eta inbertsio konpromezuak hartu behar dituzte erakunde eta enpresariak.

LANGILEENTZAKO

heziketaren jarraipen batzordea eratuta

Espainiako Lan Ministerioak, ELA, UGT, CCOO eta CIGA sindikatuak eta CEOE-CEPYME patronalak Estatu osoan langileentzako heziketa egitarauaren jarraipen batzordea osatu dute, akordio hirukoitzak jasotzen duen moduan. Gogoratu jadanik lanean dauden laguntzat heziketa jarraituan 160.000 milioi pezeta (8.000 milioi libera) inbertituko dituela Madrilak lau urtetan.

ESPAINIAKO

funtzionariak itxi ziren

Espainiako Administrazioako funtzionarioek itxialdiak egin zituzten atzo Gobernuak Gasteiz, Bilbo eta Donostian dituen ordezkari-tzetan, soldata igoeraz gain enplegu publikoaren hazkunde eta zerbitzuen hobekuntza eskatuz. Donostian Gobernu Zibilean bildu ziren langileak goizean eta eguerdian Poliziak bertatik bota zituen. Gasteizkoak Lan Ordezkaritzan bildu ziren.

ESNE behientzako

laguntzak nahi ditu EAJk

Mendialdeko esne behien jabeek Europako Komunitateak lagun diezaiela eskatuko dio EAJk. Espainiako Gobernuari ez-legezko proposamenaren bitartez, sektore honen ahultasun egoera argudiatuz, EAJren arabera EK-k laguntzak emateari uko egiteak «kalte egin die euskal abeltzainei» eta guztira 800 milioi ez kobratzea eragin du, abereko 11.000 pezeta.